



Broj: 07-04-04-27629/21  
Sarajevo, 11.05.2022. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 4. stav (1) Odluke o kriterijima za imenovanje na pozicije članova skupštine Turističke zajednice Kantona Sarajevo ("Službene novine Kantona Sarajevo", broj 10/18), ministar Ministarstva privrede Kantona Sarajevo **raspisuje**

## **JAVNI OGLAS ZA IMENOVANJE NA POZICIJU JEDNOG ČLANA SKUPŠTINE TURISTIČKE ZAJEDNICE KANTONA SARAJEVO**

### **I Predmet javnog oglasa**

Raspisuje se javni oglas za imenovanje na poziciju jednog člana Skupštine Turističke zajednice Kantona Sarajevo – predstavnika osnivača.

Skupštinu Turističke zajednice Kantona Sarajevo imenuje Vlada Kantona Sarajevo.

Skupština Turističke zajednice Kantona Sarajevo se sastoji od pet članova, od čega su tri člana predstavnici osnivača, a dva člana su predstavnici privatnog i javnog sektora turizma iz općina koje predlaže Privredna komora Kantona Sarajevo, iz reda prijavljenih kandidata.

### **II Opis pozicije**

Skupština Turističke zajednice nadležna je da:

- a) donosi statut;
- b) donosi poslovnik o radu skupštine;
- c) imenuje i razrješava predsjednika skupštine iz reda članova skupštine;
- d) imenuje i razrješava članove nadzornog odbora Turističke zajednice;
- e) donosi odluku o prijemu u dobrovoljno članstvo;
- f) imenuje i razrješava članove turističkog vijeća;
- g) donosi godišnji program rada i godišnji finansijski plan Turističke zajednice;
- h) usvaja godišnji izvještaj o radu i godišnji finansijski izvještaj Turističke zajednice;
- i) donosi odluku o osnivanju i organizaciji turističkog ureda;
- j) donosi odluku o izvještajima koje podnose predsjednik, nadzorni odbor i turističko vijeće;
- k) donosi odluke i rješava druga pitanja kada je to predviđeno propisima i statutom;
- l) priprema i podnosi Skupštini Kantona plan i program rada i najmanje jednom godišnje priprema i podnosi izvještaj o radu i finansijski izvještaj.

### III Mandat

Mandat članova skupštine Turističke zajednice je četiri godine, a članovi mogu biti ponovno birani, odnosno imenovani na još jedan mandat. Članovi skupštine Turističke zajednice imenovani su Rješenjem Vlade Kantona Sarajevo broj: 02-04-40598-5/21 od 08.11.2021. godine, tako da je mandat jednog člana Skupštine Turističke zajednice Kantona Sarajevo imenovanog po ovom Javnom oglasu do isteka mandata imenovanih članova.

Predsjednik i članovi skupštine Turističke zajednice Kantona Sarajevo imaju pravo na naknadu za svoj rad u skladu sa važećim zakonskim propisima, koja će se isplaćivati iz sredstava Turističke zajednice Kantona Sarajevo.

### IV Uslovi za pozicije

Kandidat mora ispunjavati opće i posebne uslove.

#### Opći uslovi:

- a) da je državljanin Bosne i Hercegovine (dokaz: uvjerenje o državljanstvu ili kopija CIPS-ove lične karte),
- b) da je stariji od 18 godina (dokaz: izvod iz matične knjige rođenih),
- c) da nije osuđivan za krivično djelo (dokaz: uvjerenje nadležnog MUP-a),
- d) da nije osuđivan za privredni prijestup nespojiv sa obavljanjem dužnosti člana skupštine Turističke zajednice (dokaz: uvjerenje nadležnog suda),
- e) da se protiv njega ne vodi krivični postupak (dokaz: uvjerenje nadležnog suda),
- f) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (dokaz: izjava potpisana i ovjerena od strane nadležnog općinskog organa),
- g) da se na tog kandidata ne odnosi član IX.1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa),
- h) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: izjava potpisana i ovjerena od strane nadležnog općinskog organa),
- i) da nije stariji od 65 godina na dan imenovanja.

#### Posebni uslovi:

- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ciklusa koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja (dokaz: univerzitetska diploma),
- b) da ima najmanje pet godina radnog staža u struci (dokaz: potvrda ili uvjerenje),
- c) da posjeduje znanja i sposobnosti razumijevanja poslovnih izvještaja i da poznaje propise iz oblasti turizma,
- d) da posjeduje sposobnost za savjesno, odlučno i odgovorno obavljanje povjerene funkcije,
- e) da posjeduje sposobnost nepristrasnog donošenja odluka,
- f) da je naklonjen timskom radu,
- g) da ima pozitivne rezultate rada ostvarene tokom karijere (dokaz: potvrda ili uvjerenje ili preporuka poslodavca).



- h) da nema privatni finansijski interes u Turističkoj zajednici Kantona Sarajevo (dokaz: izjava potpisana i ovjerena od strane nadležnog općinskog organa),
- i) da nije predsjednik Turističke zajednice Kantona Sarajevo, direktor turističkog ureda, direktor ureda za podršku turizmu, predsjednik ili član nadzornog odbora i predsjednik ili član turističkog vijeća u Turističkoj zajednici Kantona Sarajevo (dokaz: izjava potpisana i ovjerena od strane nadležnog općinskog organa).

Prilikom predlaganja kandidata vodit će se računa o spolnoj i nacionalnoj zastupljenosti kandidata.

## V Potrebni dokumenti

Uz obavezni popunjenu i potpisanu prijavu na ovaj Javni oglas, koja se nalazi na web stranici Ministarstva privrede Kantona Sarajevo web: <http://mp.ks.gov.ba>, kandidat obavezno dostavlja (u originalu ili fotokopiji ovjerenoj od nadležnog organa) sljedeće potrebne dokumente:

1. Biografiju,
2. Uvjerenje o državljanstvu (original ne starije od 6 mjeseci),
3. Izvod iz matične knjige rođenih (original ili ovjerena kopija),
4. Uvjerenje nadležnog MUP-a da nije osuđivan za krivično djelo (original ne starije od 6 mjeseci),
5. Uvjerenje nadležnog suda da nije osuđivan za privredni prijestup nespojiv sa obavljanjem dužnosti člana skupštine Turističke zajednice (original ne starije od 6 mjeseci),
6. Uvjerenje nadležnog suda da se protiv njega ne vodi krivični postupak (original ne starije od 6 mjeseci),
7. Izjavu da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (potpisanu i ovjerenu od strane nadležnog organa, ne stariju od 6 mjeseci),
8. Izjavu da se na tog kandidata ne odnosi član IX.1. Ustava Bosne i Hercegovine (potpisanu i ovjerenu od strane nadležnog organa, ne stariju od 6 mjeseci),
9. Izjavu da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (potpisanu i ovjerenu od strane nadležnog organa, ne stariju od 6 mjeseci),
10. Univerzitetsku diplomu (original ili ovjerena kopija),
11. Potvrdu ili uvjerenje da ima najmanje pet godina radnog staža u struci (original ili ovjerena kopija),
12. Potvrdu ili uvjerenje ili preporuku poslodavca da ima pozitivne rezultate rada ostvarene tokom karijere (original),
13. Izjavu da nema privatni finansijski interes u Turističkoj zajednici Kantona Sarajevo (potpisanu i ovjerenu od strane nadležnog organa, ne stariju od 6 mjeseci),
14. Izjavu da nije predsjednik Turističke zajednice Kantona Sarajevo, direktor turističkog ureda, direktor ureda za podršku turizmu, predsjednik ili član nadzornog odbora i predsjednik ili član turističkog vijeća u Turističkoj zajednici Kantona Sarajevo (potpisanu i ovjerenu od strane nadležnog organa, ne stariju od 6 mjeseci).

### Dodatni potrebni dokumentima

Potrebno je da kandidat, uz naprijed navedene dokumente, dostavi i Izjavu (potpisanu i ovjerenu od strane nadležnog organa, ne stariju od dana objave ovog Javnog oglasa), kojom daje saglasnost da Vlada Kantona Sarajevo, Ministarstvo privrede Kantona Sarajevo i Komisija za izbor po ovom javnom oglasu, mogu obrađivati dokumente kojima se dokazuje njegov lični identitet shodno odredbama Zakona o zaštiti ličnih podataka ("Službeni glasnik BiH" broj: 49/06, 76/11 i 89/11).



U cilju pribavljanja dokaza o ispunjavanju općih uslova iz tač. c), d) i e) ovog Javnog oglasa, potrebno je da kandidat uz naprijed navedenu dokumentaciju dostavi i popunjenu Izjavu (potpisanu i ovjerenu od strane nadležnog općinskog organa), kojom daje saglasnost da Ministarstvo privrede Kantona Sarajevo po službenoj dužnosti može pribaviti dokaze o ispunjavanju općih uslova iz tač. c), d) i e) iz ovog Javnog oglasa.

Ukoliko se za predloženog kandidata ne pribave dokazi o ispunjavanju općih uslova iz tač. c), d) i e) ovog Javnog oglasa ili se utvrdi da ne ispunjava uslove po ovim osnovama, predložit će se slijedeći najuspješniji kandidat sa rang - liste sa najboljim kandidatima, za kojeg takođe navedene dokaze pribavlja Ministarstvo privrede Kantona Sarajevo po službenoj dužnosti, prije imenovanja kandidata na poziciju.

## **VI Rok za podnošenje prijave**

Rok za podnošenje prijave sa svim potrebnim dokumentima iz tačke V ovog Javnog oglasa je 15 dana od dana posljednjeg javnog objavljivanja. Javni oglas će biti objavljen u „Službenim novinama Federacije BiH“, dnevnom listu „Avaz“ i na web stranici Ministarstva privrede Kantona Sarajevo web: <http://mp.ks.gov.ba> .

Kandidat koji bude predložen za imenovanje sa rang - liste sa najboljim kandidatima i koji ispunjava kriterije za imenovanje iz javnog oglasa, dužan je dostaviti uvjerenje da nije osuđivan za krivično djelo pet godina od pravosnažnosti presude, isključujući vrijeme zatvorske kazne (uvjerenje nadležnog MUP-a). Navedeno uvjerenje kandidat je dužan dostaviti u roku od 10 (deset) dana od dana utvrđenog prijedloga. Ukoliko predloženi kandidat ne dostavi traženo uvjerenje ili se utvrdi da ne ispunjava uslov po ovom osnovu, predložit će se slijedeći najuspješniji kandidat sa rang - liste sa najboljim kandidatima, koji je također dužan dostaviti traženo uvjerenje u roku od 10 (deset) dana od dana kada je predložen.

## **VII Ostale napomene**

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se ispuniti neposredno prilikom intervjua.

Nijedan kandidat neće biti stavljen na listu sa užim izborom ukoliko nije povoljno ocijenjen prema kriterijima za imenovanje.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka ("Službeni glasnik BiH", br. 49/06, 76/11 i 89/11).

Nakon intervjua, Komisija za izbor će predložiti rang - listu sa najboljim kandidatima odgovornom javnom službeniku na daljnje razmatranje. Kandidat kojeg nakon intervjua preporučí Komisija za izbor, smatrat će se da je najuspješnije prošao otvorenu konkurenciju.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) ili postupci nisu ispoštovani, zainteresirana stranka može podnijeti prigovor na konačno imenovanje.



Prigovor se podnosi ministru Ministarstva privrede Kantona Sarajevo, a kopija se dostavlja Ombudsmenu za ljudska prava Bosne i Hercegovine.

Prijave na javni oglas sa svim traženim dokumentima se dostavljaju lično ili poštom preporučeno na adresu: Ministarstvo privrede Kantona Sarajevo - Komisija za izbor, Sarajevo, ul. Reisa Džemaludina Čauševića broj 1. prizemlje, uz naznaku na koverti: "**Prijava za člana skupštine Turističke zajednice Kantona Sarajevo - NE OTVARAJ**". Na poleđini koverta navesti ime i prezime podnosioca prijave, adresu i kontakt telefon.

Obrazac Prijave na Javni oglas se može preuzeti u Ministarstvu privrede Kantona Sarajevo, II sprat, soba broj 223 i sa web stranice ovog Ministarstva.

Nepotpune i neblagovremene prijave neće se uzeti u razmatranje.

